

奢摩他室曲丛





奢摩他室曲叢序

粵自葛天元鳥若木承雲聲樂起源遐哉邈矣虞典教永言於胄子周官習樂語於成均宣尼之反魯邦爰釐雅頌季札之觀周樂以覘盛衰蓋當三代以前樂爲六藝之一家絃戶誦習爲故常雅樂新聲猶未懸絕是以孺子有濯纓之詠國風存抱布之章也嬴燼之餘樂經就佚漢廷所作古意寢亡渥洼天馬之歌薦之宗廟曼衍魚龍之戲陳自上林雖長孺議其失當賈生爲之增歎而雅鄭遞嬗運會遷流已非中和樂職所能強爲糾正者矣隋唐以降戲曲漸興代面仿自北齊撥頭傳從西域其詞已佚其目僅存天水一朝作者羣起幽并躍馬唱水調之歌頭茂苑游麋詠道宮之薄媚所謂大曲已近詞餘至於王煥刺秋壑之微行樂昌守休文之音韻明之南曲此其濫觴蓋南渡朝廷雖云褊小

而西湖歌舞相習酣恆故戲曲至斯而驟盛也有元崛起北曲盛行優  
諫關卿傳遺音於開國酸甜樂府負盛譽於中州著作名家未遑枚舉  
爭樹詞壇之別幟以成文學之鉅觀沿及朱明流風未泯北詞之外南  
曲重興櫟社爲之前驅石渠比於後勁其間青藤玉茗雅見才情中麓  
天池並攜麗藻尤以松陵曲律爲詞苑所依歸白苧新腔定歌喉之準  
則其於今樂可曰瞽宗順康詞人猶承斯緒梅村故君之感西堂傷逝  
之懷皆託之傳奇抒其騷屑而桃花扇底寫亡國之哀音蓬萊院中證  
長生之密誓最風行於舞榭歎觀止於歌場矣夫戲曲源流既如此其  
遠而劇本散佚比羣籍爲多金人院本之名陶氏輟耕所錄猶曰幾經  
塵劫宜乎靡有子遺乃海虞述古之藏書廣陵進呈之曲本稽其歲月  
僅卅有餘年考其佚亡已什之八九此則蒐羅舊籍續臧毛二氏之叢  
刊彙錄羣編存元明兩朝之文藝洵采風之急務亦論樂所必資也吾

友吳瞿安明經劬古忘疲愛書成癖百城坐擁無殊南面之王七略部  
居特仿西京之例其所搜集樂府尤多抗丹邱就國之行裝邁臨川填  
詞之插架嘯歌一室託牧之務觀以言情南北九宮繼元玉伯英而訂  
譜瞿安在京師時取湖州水嬉沈園感舊諸事成調  
悵爨雜劇四折近在秣陵方輯南北九宮簡譜每謂篋藏之珍祕

足資津逮夫藝林會海上涵芬樓蒐訪舊書流通善本以爲春明儼屋  
雖許洽比以借觀而尙古范銅實較傳鈔爲神速在昔伯延之藏曲假  
諸晉叔以鏤行有往事之可師借奇書而付印以烈粗知聲律屬撰弁  
言烈惟此書之成蓋有三善請試言之夫宋元古曲繩墨綦嚴明代詞  
人國初作者雖機杼之自出要矩矱之尙存是以一曲纔成卽付梨園  
之唱八音迭奏初無葭律之乖迨至雍乾諸家始是荃茅雜處泊乎嘉  
道以降等諸曹檜無譏是編探海求珠遠者不遺蒙古披沙見寶近者  
選止乾嘉靡不六采五章極文情之茂美一倡三歎兼音律之和諧論

文者賞其才思審樂者聆其節奏左右采獲取益無窮是曰選擇之精  
其善一也亥豕魯魚校讎所苦几塵風葉今古同符况傳奇諸書南尚  
才華間用文人之僻典北矜本色更雜胡地之方言以及過曲犯調之  
易淆襯字正文之難辨苟逞胸臆妄事竄塗將鉛槧雖勤益增古書之  
厄金根錯改徒爲有識所譏是編楮墨精良丹黃矜慎貞石影摹所印  
猶存真面於廬山聚珍活字所翻細訂奇文於淮雨如披三輔黃圖之  
古本兼有畫圖較之八閩翠巖之精刊更無誤字是曰刊印之良其善  
二也桑海以還文衰道敝然四部舊籍十倍價增虞初小說之書夔弄  
伶人之本自昔拘儒所唾棄尤今駟僮所居奇重以雞林萬里之遙不  
恡駿骨千金之市往往藏家偶出朝列海王論值未諧夕歸海舶以故  
購求詞曲倍覺艱難近者江左故家槧盛明之雜劇海東大學翻佞宋  
之遺編雖曰傳播古書津梁後學而帙厚盈寸價貴兼金非寒素所能



勝亦求書之憾事是編不求善價以速流行異彼章老之售書必須厚  
值等諸瑞庵之藏籍稍計贏餘是曰取值之廉其善三也顧或者謂傳  
奇諸書語涉不經情乖麗則諸史藝文所弗志四庫集目所不存今以  
優人謔浪之詞擬之太史輜軒所採竊恐人效尤於桑濮世日下乎江  
河不知神女巫山宓妃洛水其在詞賦已述豔情豈待傳奇始爲作俑  
迺者斯文絕續舊學凌夷棄故訓若弁髦束羣經於高閣縱遇說詩之  
匡鼎不能使之解頤苟責端冕於魏文益將倦而思臥惟傳奇詞從淺  
顯意在勸懲其興趣既老嫗盡知其感人勝生公說法顏之推曰禁童  
子之暴謔則師友之誠不如傅婢之指揮止凡人之鬪鬪則堯舜之道  
不如寡妻之誨諭傳奇有焉故趙女尋夫之記明祖比於經書目連救  
母之編純廟以之勸善在昔猶所不廢於今豈曰可無然則是編之輯  
非惟悅性陶情供詞家之瀏覽抑以移風易俗具救世之深心敢就管

三  
三  
窺書之簡首世有夔曠或不河漢余言乎是爲序歲在強圉單闕清明

後二日長洲王季烈

予之纂輯也... 意亦備述其與... 國非不始... 西春... 何不... 人... 情... 國... 無...

# 奢摩他室曲叢序

詞曲爲吾國合樂之文宋元以來樂之所播文卽傳述人口不必定有專書有之亦備忘而已及時異樂遷古音漸泯向之樂府祇留文詞學者重玩其義而文字之異同生焉刊本之良否顯焉於是亟謀所以校訂彙集重爲流布此固讀書者之責也自有疆村叢書詞籍已可無憾若曲則猶未有有之自吾師瞿安先生茲集始矣先生藏曲之富之精海內無兩蓋南北遨遊手自搜羅者垂二十年益以朋好所遺弟子所錄乃蔚成山海之觀茲之所集猶其一鱗一爪然而編裁選訂已覺越過前人矣全書初目原列二百六十餘種以印行工大乃約之爲一百五十較前人舊編素稱巨擘如晉叔百種汲古富春十集者且有積薪之勢取材之豐此爲獨步又所收諸種分散曲雜劇傳奇三類臧毛等



輯僅具一體固未足與擬而散曲叢書除樊榭袖珍一種外自來無書  
茲分別集總集兩目體類大備此又爲先生創作也百五十種中如詞  
林摘豔太霞新奏誠齋諸劇桐威四種皆詞林逸品曲苑鴻篇嚮傳其  
名罕覩其籍者茲皆一一羅致祕笈之多允爲冠絕矣雕蟲館諸刻自  
命當行於古人成作好爲改竄其弊滋甚此書多據作者原刻校印如  
圓海四種用石巢原本留山二種用葭秋舊刊一洗前人改竄之妄士  
林傳誦不至盲從板本之善亦復罕有又每編卷末先生皆加手跋於  
掌故文字音律排場不辭勞瘁言之娓娓足爲讀者南針亦卽先生曲  
學之一種題跋之精得與吳江沈氏南海伍氏後先驂靳焉疆村詞編  
先生此刻必並峙千秋嶄然不滓矣憶昔遊憩吳門先生命宿奢摩他  
室盡發篋衍俾遍瀏覽因於兼旬之中旦夕窮力隨覽隨筆爲讀曲概  
錄凡五厚冊猶覺汪洋浩瀚杳乎難得涯涘也自後每過清齋必補業

所未竟或把卷請益議論通宵或錄副校訛點勘累日冬鈺夏簟歲必再留留必興盡而先生之所藏則終未盡也客之過先生者苟與談曲無不延入書城縱其繙覽不稍祕禁然皆未若五六年中先後與訥者之獨厚且至耳此書一出其中影印諸種皆如逢舊雨欣喜之懷傾溢卷帙讀者雖衆此情要亦莫過於訥矣夫先生之書皆積自勞苦脩脯不足裘釧常捐乃不私其所得發爲此輯以餉世人視鄙夫之坐擁百城而戚好不通寧飽魚蠹者其大公爲何如耶曲雖小技藝兼聲文此中全才曠代難得邇來同好有曲學會之集各從所好分科研討要皆得先生曲學之一體未嘗有一人能集其成者也望文運之日頽歎絕學之難繼向所謂豐者備者善者精者不獨存典型於來世亦足弭遺憾於人間訥知此書刊布之日先生必將撫卷三歎不知憂喜之交集矣十六年五月受業弟子江都任訥中敏甫謹序

一、論我黨之宗旨  
 二、論我黨之組織  
 三、論我黨之宣傳  
 四、論我黨之紀律  
 五、論我黨之團結  
 六、論我黨之奮鬥  
 七、論我黨之犧牲  
 八、論我黨之勝利  
 九、論我黨之未來  
 十、論我黨之現在

奢摩他室曲叢自序

少好度曲輒披羅元明以來院本歷二十年所積日多晚近學者以爲曲雖小道而模寫物態雕繪人理足以鑑古今風俗之變深合於國風小雅之旨因慙懇印行以廣其傳計余舊藏劇曲幾及六百種徧刊則值必鉅寒峻之士或且斂手矣乃徇友人張君菊生之意先印一百五十有二種旣成序其端曰樂府亡而詞興詞亡而曲作金元之間上自臺閣下及氓庶無有不嫻習者顧其體亦數變矣始也承兩宋詩餘之格而移易其聲調出辭淵雅有類秦柳是曰小令趙閑閑青杏子元遺山驟雨打新荷是也繼則沿宋人大曲之制擇同調各曲聯綴成篇寫懷賦物各稱其才是曰散曲張祿之詞林摘艷郭蒼岳之雍熙樂府凡所輯錄者皆是也此皆有辭而無科白者也董解元西廂爲諸宮調體



有白語矣而科介則闕焉科介具有二作北曲者爲雜劇作南曲者爲傳奇至是戲劇之用始備矣明之中葉雜劇亦用南詞傳奇間取北曲者此又事之變也不可繩之以法也綜三朝言之南村丹邱之所記錄明初諸王就國之所裝演吾知不讓千餘種焉卽遜清康乾之時內廷供奉之所藏奔江南尙衣使者之所進御亦不讓二千餘種焉乃至今日蕪沒於荆棘瓦礫之間蹂躪於戎馬烽煙之際蓋不可勝計矣其幸而存者不啻百之一矣聲樂爲國家風俗所關况四朝之文獻繫也而可聽其日蹙日亡熟視之若無覩乎往昔明嘉隆間金陵唐氏有富春堂演劇百種萬曆中吳興臧氏有雕蟲館元曲選崇禎末海虞毛氏有汲古閣六十種曲近二十年中貴池劉氏武進董氏復有彙刻傳奇及十段錦盛明雜劇等諸刊本其網羅散佚之盛心可謂勤矣顧富春汲古二本稀如星鳳未易購求雕蟲舊槧雖有覆刊而流傳未廣劉董

兩家刊印頗精而散曲不多終嫌漏略余故不辭勞瘁繼爲此舉盡發所藏貢諸海內別集總集則取材尙精雜劇傳奇則選錄從廣作者寓意不厭詳求遺事軼聞附書簡末俾七百年文人學士之心思才力不至湮沒墜地而余亦得附驥以傳倘亦爲大雅君子所不棄歟丁卯四月長洲吳梅書於百嘉室

夫學之於人，猶水之於木也。木無水則枯，人無學則死。故君子必先其心，而後其氣，而後其力，而後其知，而後其能。此其所以為學之序也。然學之於人，亦猶水之於木也。木之有根，則水之有源。根不固則木不長，源不流則水不竭。故君子必先其德，而後其業，而後其名，而後其利，而後其壽。此其所以為德之序也。

嗚呼！世之為學者，其亦知此理之不可不知也哉！夫學之於人，猶水之於木也。木之有根，則水之有源。根不固則木不長，源不流則水不竭。故君子必先其德，而後其業，而後其名，而後其利，而後其壽。此其所以為德之序也。

嗚呼！世之為學者，其亦知此理之不可不知也哉！夫學之於人，猶水之於木也。木之有根，則水之有源。根不固則木不長，源不流則水不竭。故君子必先其德，而後其業，而後其名，而後其利，而後其壽。此其所以為德之序也。



奢摩他室曲叢草目

長洲吳梅霜崖輯錄

小山小令

乾隆重刻嘉靖本

夢符小令

乾隆重刻嘉靖本

樓居樂府

嘉靖常評事集本

碧山樂府

崇禎張宗孟本

南曲次韻

崇禎張宗孟本

浮海堂詞稿

影鈔嘉靖本

擊筑餘音

舊鈔本

右散曲別集之屬七種

詞林摘豔

嘉靖吳江張氏本

南詞韻選

吳江沈氏原本

吳騷合編

武林張楚叔刻本

太榘新奏

影鈔江南圖書館藏崇禎刻本

右散曲總集之屬四種

董詞

屠赤水校刻本

古本西廂校注

王伯良原刻本

風雲會 影鈔嘉靖本

藍采和 影鈔嘉靖本

赤壁賦 影鈔嘉靖本

桮猿聽經 影鈔嘉靖本

豫讓吞炭 影鈔嘉靖本

桃源景 宣德憲藩本

常椿壽 宣德憲藩本

香囊怨 宣德憲藩本

復落娼 宣德憲藩本

得騶虞 宣德憲藩本

仗義疏財 宣德憲藩本

踏雪尋梅 宣德憲藩本

團圓夢 宣德憲藩本

牡丹品 宣德憲藩本

牡丹園 宣德憲藩本

牡丹仙 宣德憲藩本

繼母大賢 宣德憲藩本

僊官慶壽 宣德憲藩本

慶朔堂 宣德憲藩本

悟真如 宣德憲藩本

曲江池 宣德憲藩本

烟花夢 宣德憲藩本

豹子和尙 宣德憲藩本

小桃紅 宣德憲藩本

喬斷鬼 宣德憲藩本

半夜觀元 宣德憲藩本

八仙慶壽 宣德憲藩本

蟠桃會 宣德憲藩本

辰鈞月 宣德憲藩本

不伏老 影鈔嘉靖本

僧尼共犯 影鈔嘉靖本

游春記 崇禎張宗孟本

中山狼 崇禎張宗孟本

歌代嘯 影鈔本

罵座記 影鈔嘉靖本

寒衣記 影鈔嘉靖本

紅紗 倘湖小築本

碧紗 倘湖小築本

挑燈劇 倘湖小築本

鴛鴦夢 倘湖小築本

西樓劍嘯 鈔袁籜菴自訂西樓本

祭皋陶 安雅堂全集本

坦庵四種 坦庵自刻本

後四聲猿四種 舊鈔本

春水軒九種 賜錦樓本

四大痴四種 山水鄰本

右雜劇之屬六十五種

琵琶 陳眉公評本

幽閨 陳眉公評本

荆釵 李卓吾評本

三元 富春堂本

和戎 富春堂本

葵花 廣慶堂本

劍舟 廣慶堂本

青樓 富春堂本

目連救母 富春堂本

鳳求凰 山水鄰本

花筵賺 山水鄰本

長命縷 山水鄰本

還魂 冰絲館本

紫釵 竹林堂本

邯鄲 獨深居本

南柯 玉茗堂集本

紫簫 汲古閣本

紅梅 玉茗堂評本

碧珠 萬歷刊本

東郭 白雪齋本

醉鄉 白雪齋本

紅梨 洛誦生原刻本

紅梨 快活庵評本

新灌園 墨憨齋重訂本

女丈夫 墨慈齋重訂本

夢磊 墨慈齋重訂本

灑雪堂 墨慈齋重訂本

精忠旗 墨慈齋重訂本

量江記 墨慈齋重訂本

酒家傭 墨慈齋重訂本

楚江情 墨慈齋重訂本

雙雄 墨慈齋重訂本

萬事足 墨慈齋重訂本

綠牡丹 兩衡堂本

畫中人 兩衡堂本

西園 兩衡堂本

療妬羹 兩衡堂本

情郵 梨花齋初刻本

快活三 乾隆內府鈔本

息宰河 且居初印本

異夢 玉茗堂評本

題塔 萬歷刻本

彩舟 環翠堂原刻本

投桃 環翠堂原刻本

珊瑚玦 容居堂原刻本

雙忠廟 容居堂原刻本

元寶媒 容居堂原刻本

廣寒香 書帶草堂本



眉山秀 一笠庵原刻本

雙金榜 石巢園原刻本

燕子箋 石巢園原刻本

春燈謎 石巢園原刻本

牟尼合 石巢園原刻本

偷甲 金陵坊刻

雙錘 金陵坊刻

魚籃 金陵坊刻

萬全 金陵坊刻

十醋 金陵坊刻

雙瑞 金陵坊刻

四元 金陵坊刻

乞巧 康熙刻本

香草吟 曲波園原刻本

載花船 曲波園原刻本

芙蓉樓 雙溪原刻本

空青石 粲花別墅原刻本

念八翻 粲花別墅原刻本

風流棒 粲花別墅原刻本

揚州夢 葭秋堂原刻本

雙報應 葭秋堂原刻本

珊瑚鞭 穿柳亭原刻本

稱人心 舊鈔本

蜨歸樓 舊鈔本

報恩緣

古香林原刻本

才人福

古香林原刻本

文星榜

古香林原刻本

伏虎韜

奢摩他室鈔本

右傳奇之屬七十六種

右目百五十有二種爲瞿安先生手自草定編裁選訂搜羅大備今由敝館次第印行先生曲樂宗工見聞淵博目經再易意猶未足尙在妙選佳槧別求珍本補充刪剔期於至善茲目猶未爲定本姑附於此藉供先覩之快云爾上海商務印書館識



此世難得此書之於云爾士商商商商商商商

五世難得此書之於云爾士商商商商商商商

由難得此書之於云爾士商商商商商商商

古日百正十百二盤欲豐安此世手自草家識集選博財羅大謝今

武公在之圖小十六盤

文墨辭 古書林風版本

知東辭 香書山室版本

群鳳集 古書林風版本

六八圖 古書林風版本

奢摩他室曲叢第一集目錄

揚州夢

據葭秋堂原刻本景印

雙報應

據葭秋堂原刻本景印

報恩緣

據古香林原刻沈氏四種傳奇本景印

才人福

據古香林原刻沈氏四種傳奇本景印

文星榜

據古香林原刻沈氏四種傳奇本景印

伏虎韜

據奢摩他室鈔沈氏四種傳奇本景印

右傳奇之屬六種

六詩

古詩集 謝靈運詩 謝靈運詩 謝靈運詩 謝靈運詩 謝靈運詩 謝靈運詩

文星詩 謝靈運詩 謝靈運詩 謝靈運詩 謝靈運詩 謝靈運詩

木人詩 謝靈運詩 謝靈運詩 謝靈運詩 謝靈運詩 謝靈運詩

辨恩詩 謝靈運詩 謝靈運詩 謝靈運詩 謝靈運詩 謝靈運詩

雙辨詩 謝靈運詩 謝靈運詩 謝靈運詩 謝靈運詩 謝靈運詩

謝靈運詩 謝靈運詩 謝靈運詩 謝靈運詩 謝靈運詩 謝靈運詩

香樹山定山集第一集目錄

者摩他室曲轂傳奇之屬

揚州夢

據葭秋堂原刻本景印

上海涵芬樓印行

上海涵芬樓印行

揚州夢

上卷 目次

第一齣 標目

第二齣 訂遊

第三齣 試歌

第四齣 薦友

第五齣 惋才

第六齣 水嬉

第七齣 聘鬟



揚州夢  
第八齣 武賺

第九齣 露踪

第十齣 驚座

第十一齣 種賊

第十二齣 授計

第十三齣 痛美

第十四齣 病賺

第十五齣 離任

第十六齣 拐聘



揚州夢

抱犢山農填詞

葭秋堂舊刻

第一齣 標目

末上

滿江紅 溪水梁清蓬蒿宅野人間架拋置殘編牛  
角本洗磨破硯銅臺瓦筆尖兒搖曳夢中花真耶  
假 隨身具劉伶鍤延客處陳蕃榻任批評閒傳  
消詳佳話雞犬尋常皆熟識煙雲出沒無驚訝汲  
新泉旋煮洞山茶填詞罷  
漢宮春 杜牧樊川尋故人雲上水戲喧闐綠葉誰

揚州夢  
家麗質預把紅牽東都分守李司徒召赴歌筵題  
詩句爲紫雲發付巧構信奇緣 乞刺湖州郡守

了垂鬟舊約懊惱期愆輾轉煙花深窈折挫嬋娟  
值叅軍牛幕青樓重會話及當年揚州夢風流薄  
倖小杜古今傳

杜牧之半生耽色裡牛節度徹底憐才  
索紫雲兩行回首判綠葉一覺羸來

第二齣 訂遊 生紗帽便衣上

滿庭芳 瀟灑江湖飛騰廊廟城南杜曲名門樓臺

歌板辜負好青春回首陵陽佐牧掛塵冠苔水煙  
雲浮蹤過花羞鶯澀無處着寒溫

鷓鴣天曾上蓬萊宮裏行龍鬚不動彩毫輕

三山未有偷桃計四海相傳擲果生羅綺色  
管絃聲一憑春酒醉菰城高人以飲爲忙事  
浮世除詩盡強名自家杜牧表字牧之別號  
樊川京兆萬年人也少登龍虎甲乙之榜長  
應賢良方正之科賦重阿房主試因而心折  
馬回秦地東都尚未花開三十三人中惟余

年少一年一度過何物情深骯髒煞紫綬金  
章擔閣起青衫綠髮西江團練已曾表作巡  
官南夏幕僚又復忝爲別駕爭奈宦名冷淡  
全憑遊興淋漓蘇小門前別過拂頭楊柳吳  
王城畔來看罨畫溪山且喜刺史崔公能爲  
小生地主則恐尋花無計依舊載月空歸怎  
生是好今日崔公邀俺清風樓上置酒高會  
待他到來慫恿他舉水嬉之會好待俺批紅  
判綠一回也

小生扮太守上



繞地遊五花坐穩江表吳興郡揖故友山川接引

下官湖州刺史崔元亮今邀杜牧之讌會清  
風樓上左右的杜爺請到不曾雜應介請到  
多時了小生道有請生相見介集唐生君知  
小庾甚風流遠道逢春半是愁小生行樂及  
時時未晚人間亦自有丹丘小弟簿書俗冗  
未暇攀敘今備水酒盤蔬與牧之兄登樓遠  
眺生多謝雅誼了小生看酒過來照常送席  
入席介



玉山頽蒼峯北隱近西迤屏嶂承恩謝安塘千頃  
迴瀾黃歇壘半樓荒燼記名山東晉到此際風流  
煙迅剛受用這烏程醞合醉芳春珠浮玉汎拖逗  
下浣花人

生刺史公你看溪通四境岫遶層霄鳥翼簷  
飛魚鱗棹接二千石寧不樂乎小生君固廊  
廟中人何羨此一郡守生小弟異日但願乞  
守此郡足矣

前腔防風古郡坐黃堂民舍偕春築連雲功賽殷

堪活鄙屋碑同王蘊羨溪光松韻咫尺裏危樓天  
近活占得那清風盡合醉芳春珠浮玉汎拖逗下  
浣花人

小弟有一言相懇茗溪之間俗尚水嬉敢望  
刺史公下一令俾旅人得瞻勝景便不負此  
遊小生小弟分付各社子弟爲牧之兄演扮  
水嬉以助遊觀

玉抱肚水嬉波滾大唐家風光展新眼盼他麗日  
晴天好轉入兒行女陣則逢場疎散杏花塵怕吹

透了青衫別樣春

生怎當得刺史公這般費心

前腔西施名品種香臺何處芳芬現叨承下箸忘  
憂還指望前溪曲韻看凌波塘上女如雲若箇是  
黃金屋內身

酒已微醺夕陽蒼茫而下敢告辭也小生還  
不曾暢飲反是虛邀巾舄了

尾聲那裏有烏巾酒幌梨花醞款驂騑則有顧渚  
新茶笋生俺則願你做一箇地主鶯花把錦繡分

集生小鬱金堂北畫樓東 開掩春花一逕風

唐生唯有年光堪自惜 松醪一醉與君同

第三齣 試歌 末扮司徒上

海棠春歸來林谷風光好收拾徧琪花麗草旦隨  
上紅袖侍華堂賺盡人年少侍末傍介

集唐聖朝出入紫微臣重與山林作主人一  
臥滄江驚歲晚不爭榮耀任沉淪老夫李愿  
向拜司徒如今罷鎮教就一班歌伎與咱消  
受金樽音繞梁間燒殘銀蠟之月舞迴扇底



揚州夢  
五  
嬌憨香鬢之雲俺祇是娛老林泉人便道沉  
酣聲色這也不在話下指旦介所喜紫雲這  
箇妮子慧巧天生歌場第一老夫時刻不離  
左右但恨向來樂府陳陳相因辜負這佳人  
俊口因此訪尋一箇度曲女師喚做韓歌娘  
能唱樊川樂府洛陽歌兒人人喝采道他善  
度新聲今日就着紫雲當面拜了好學他技  
藝侍婢們請韓歌娘出來雜請內介老旦上  
卜算子白雪擅香喉絕伎人間少繡譜金針付女



曹羞步邯鄲道

妾身韓歌娘的便是李司徒延俺教導紫雲  
則索上前廝見見介司徒老爺見禮了末歌  
娘少禮喚旦介紫雲過來就在今日拜了韓  
歌娘旦拜老旦介集唐旦繇來此曲和人稀  
頓令心地欲皈依老旦好鳥迎春歌後院落  
陽清夜白雲歸末看坐過來老旦妾身不敢  
坐末坐了好教誨紫雲老旦妾身大膽告坐  
了末紫雲你也坐在錦墩之上問老旦介請

問歌娘聲音之道如何便稱絕倫老旦不嫌絮叨待妾身畧道幾句末紫雲聽者老旦

玉芙蓉陰陽洞晰高  
清濁分明好更知腔識譜轉  
音收調引商刻羽難摹擬  
品竹彈絲莫混淆到今日  
呵周郎笑笑巴人互嘲那裏來  
秦青歌曲響林臯

末歌娘探微悉奧便使老曲師退避三舍恐後學一時領會不來紫雲你試聽我道

前腔按拍細推敲度曲宜分曉把新聲樂府下簾

勤學桃花扇動邀銀管竹葉樽開倚洞簫娛懷抱  
啓朱脣絳桃準備俺朝朝寒食夜元宵

且老爺分付妾身自當謹記便是歌娘教誨  
也能窺其一二

前腔銀屏敢弄嬌白苧能娛老仗明師指引就中  
奇奧香雲捲雨朦朧悟寒玉嘶風想像勞何年造  
似仙音洞霄到那時高山流水和寥寥

末紫雲你便隨着歌娘一處學習不必侍立  
左右了

揚州夢  
集外氣吐幽蘭出洞房 暮來翻遣曲悠揚

唐正旦畫樓春暖清歌夜 劈破雲鬟金鳳凰

第四齣 薦友

副淨戴大翅矮紗帽素員領角帶跳上西江  
月啓事山公門下酒徒畢卓身旁問咱脚色  
不尋常堂候官兒模樣 慣向抽籤作弊隨  
他印務關防都言飛過海爲強只有區區停  
當咱家吏部裏一箇當該的官兒便是今當  
大選之期內外文武推陞沒箇不打從俺衙



門經過偏是牛丞相一手握定凡有擬用的  
官兒俱要聽他做主咱家因此帶着這選單  
來他府前伺候正是不用朝天子還須問相  
公內吹打開門衆擁外上外蟒袍玉帶扮丞  
相上

繞紅樓家世奇章受寵榮垂燕翼金紫三公鼎鼐  
長調袞衣無縫四海頌元功

集唐黃雲捧日瑞昇平百代功勳一日成自  
古相門還出相絲綸忝備漢公卿下官牛僧



孺表字思黯官拜唐朝檢校尚書左僕射平  
章事俺家自八代祖相隋以來封公贈侯御  
書賜田留在文安浴至本朝子孫並登顯位  
就是下官平章國事也不過無忝家聲但慮  
人材不登名士日削便覺上負朝廷下塞賢  
路前日在朝堂之上曾分付銓曹不許濫用  
匪類如果材能出衆品望優長不妨破格超  
陞以收實效正是朝廷有道青春好門館無  
私白日閒副淨報門堂候官引見外介吏部

當該官叩頭送選單介選單呈上太師爺外

看介

駐馬聽這都是瀚海鷗鵬萬里扶搖得遇風有多  
少王朝楨榦仕路驂騑草野英雄怕郎官頭白嘆  
飄蓬怎銓衡玉尺輕搬弄副淨跪介朝廷爺的法  
令太師爺的鈞旨本衙門怎敢徇私外這等纔好  
俺則願人亮天工後先禦侮皆堪用

副淨還有一事啓上太師爺前日分付本衙  
門着查太和二年進士杜牧現居何職查得

杜牧初任左武衛兵曹參軍次任江西團練  
府巡官如今閒住尚未補用外變色介這樣  
名士如何着他閒住你吏部官兒好沒分曉

前腔錯置魚龍慚愧天官秉至公却不道塵埋白  
璧目眩黃金智暗青銅副淨本衙門道是杜牧資  
俸太淺於例不合超用外怒介唛朝廷用人只論  
賢否那計資俸若提起例之一字不知擔閣了多  
少有用的賢臣便是杜牧呵他乃燕昭臺下駿嘶  
風倒做不得磻溪圖上熊飛夢這般頭腦冬烘我

少不得彈章直達丹墀鳳

木王 副淨太師爺請息怒小官即刻傳示台命連

以示 夜將杜牧內陞便了外你且聽我分付東都

御史分轄洛陽非大有風力者不能勝任獨

有杜牧慷慨不阿堪稱此職傳語你吏部衙

門即將此人擬補副淨唯唯叩頭介

尾聲外烏臺虛左舊詞宗端倚藉滕王風送莫教

人嘆時乖薦福轟先下

副淨弔場作說呆介啊啣咱家芝蔴大的官



兒幾乎斷送芥子大的膽兒幾乎誆殺咱如  
今兩箇小腿肚兒嚇得膀轉筋倒朝着前面  
走不動哩罷罷爬了去罷爬介正是丞相既  
爲牛小官權做狗下

第五齣 惋才

憶秦娥 老旦 湘簾下逗人春色多瀟洒多瀟洒舞  
迴衣冷歌沉月駕換頭旦上寶箏筵上千金價拋  
來玉果風流話妾心一寸萬愁禁架

集唐老旦 香閨無主是春光燕得新泥拂戶



忙旦幽院妝成花下坐人間空就楚襄王老  
旦紫雲姐老爺着你演習樊川樂府你誦熟  
幾調了今日按拍好教你一回旦敢問歌娘

那樊川樂府字字生香聲聲戛玉是那一位  
才子著作老旦紫雲姐你若問別箇還不知  
道獨有老身少年時在洛陽地面浪博一箇  
虛名人都道是韓歌柘舞却與這般名士相  
熟這乃天下有名的兒郎喚做風流小杜聽  
我道來

桂枝香那小杜呵瀛洲高跨甘泉增價則劉羨衛  
玠神清誰續上相如風雅旦既是少年才子怕少  
甚麼絕代佳人作配老旦你莫把佳人忒看得容  
易了嘆鸞稀鳳寡嘆鸞稀鳳寡那曾見甄妃停駕  
空待覓瓊英圖畫似你這俊香娃等閒闌入清歌  
隊却不道辜負風流女大家

旦嘆介奴家貌慚西子才愧文君自入朱門  
已拚白首歌娘不要提起了

前腔念奴嬌癡情詫憂愁魂化盡都是慘綠摧紅

併沒箇憐風惜雅似這樂府呵待歌殘玉暈待歌  
殘玉暈誰念紅兒牽掛枉自花間月下靜窗紗何  
時淡掃蛾眉面省向紅綃鬪麗華

老旦紫雲姐你且不要嗟怨試將樂府檢出

一調與你度腔則箇旦那有心緒去學他老

旦紫雲姐這却使不得老爺爲這樊川樂府

着老身指引你用心習學你却無情無緒不

肯歌演可不要歸咎到老身麼

前腔你看珍珠簾掛沉檀香罷暫將那薄恨冰銷

且取這新詞日把况清歌侑學况清歌侑學趣好  
吹簫閒暇免使春風狼籍按紅牙須知畫檻魚能  
聽更喜雕梁燕不譁

旦歌娘教誨焉敢不聽只是心事縈迴觸多  
愁緒看這一本樂府從頭徹尾那一句不惹  
奴家憔悴那一字不繫奴家思量也

前腔仙郎才大香詞無價分明似藻麗雕龍又數  
甚文淵倚馬笑知音和寡笑知音和寡早令深閨  
心掛恁風華何須夢授鈞天樂只此歌催院落花



老旦這等天色已晚明早慢慢教你便了

集旦楚歌遺珮怨何窮  
迢遞江山夢未通

唐旦老惆悵知音竟難得  
芙蓉簾幕扇秋紅

第六齣 水嬉

雜戴頭巾簪花穿綵衣白短鬚手鳴鑼上唐  
家黎庶躋春臺刺史風光物色迴雜戲魚龍  
紛欲舞一齊波面費安排自家湖州地面一  
箇都社長的便是只因崔刺史老爺要演水  
嬉着俺喚齊了各都各箇社長攢集在苔水



上面演起魚龍雜戲與民同樂你看水張陸  
幕游男游女來的好不蜂湧也衆扮各都各  
箇小社長金抹額雉尾綵衣各執小鑼鳴上  
舞相見介都社長見禮了老小社長免禮刺  
史老爺將次到了俺們上前見過須索早搬  
演起來今歲不比往常要整齊些好答應官  
府衆答應鳴鑼下生同僧道衆人鬧上

洞仙歌鳴金蕩地來遊人擠不開後擁前挨內作  
巡風聲喝介巡行刺史牌四處防姦拐肉身軀活

埋太平日風光在衆作挨擠跌倒鬧譚內鳴鑼各  
翹首慌下老旦丑小旦共擠上

前腔喧譁震四垓牽連耍一迴喚母尋孩搔頭沒  
了股釵鬧裏難搖擺氣絲兒打哈惡男女鞋端端

前僧道生上擠鬧爭譚內鳴鑼衆慌下都社

長鳴鑼上刺史官符水戲開年年近水搭樓

臺百姓們看者這一場水嬉匪容易乃是文

殊洗象下蓮臺虛下內扮菩薩執如意舞上

舞畢登高處雜扮蠻師濃眉凹眼兩耳穿環

揚州夢  
赤脚赤身穿五綵褶裙牽象上場作諸勢合  
掌菩薩前菩薩向內遙指內又扮二海鬼持  
各種洗具洗象介洗畢菩薩騎象下衆仝唱

南普天樂曼陀花莊嚴界寶珠聲天風藹文殊也

文殊也步下蓮臺看蠻師白象牽來呀攪銀濤碧

海清流拂面排浴罷增威多少多少山立塵埃

首唱

齊下社長又鳴鑼上文殊洗象怕雷同更有

腰音

驚天怪異踪百姓們看者這一場水嬉匪容

獸大

易乃是孫行者取寶水晶宮虛下內扮孫猴

跳舞作望見東海翻觔斗下內扮巡海夜叉  
持鎗抵殺猴接鎗倒刺夜叉踏步殺入龍宮  
龍王鞠躬慌上延猴上座猴索諸般器械龍

王命蝦兵蟹將各獻兵器猴持舞嫌輕俱擲

下龍王後令兵將抬金箍棒作沉重抬上介

猴作拿不動介龍王伏耳傳授金言猴作拿

動舞弄得意作謝龍王翻觔斗下介衆全唱

北朝天子美猴王乖鬧龍宮下海把蝦員懈卒  
都驚壞諸般兵器似摧枯拉柴檢異寶爲鋒械繡



花針小哉花果山無賴閃開閃開閃開閃開按金箱  
非嘗光怪光怪打乾坤天神敗神敗

社長又鳴鑼上大鬧龍宮未算奇蕩邪救世  
豈凡爲百姓們看者這一場水嬉匪容易乃  
是許旌陽斬滅白蛟時下內扮白衣秀士樓  
一女子作樂許真君持劍四望作見秀士持  
劍直砍秀士用袖拂開抵敵不住以袖遮頭  
面舞下旦跪求真君真君喚旦下復持劍追  
趕立高處哨望秀士入蛟宮水族擁前問安



真君作望見直入水宮水族迎戰秀士變化  
白蛟元身執鐵鍊與真君交戰內扮四大天  
將按定四方圍住白蛟斬殺天將擁真君白  
日昇仙介衆仝唱

南普天樂白蛟精彌天害仗真君隨風踰么魔的  
么魔的混上金釵乍追蹤又撇凡胎呀到蛟宮大  
海登時水族哀驚動諸神圍繞圍繞窟宅成灰

社長鳴鑼上斬蛟共羨許旌陽古古今今話  
正長百姓們看者這一場水嬉匪容易乃是

揚州夢  
赤壁鏖兵曹操慌  
虛下內扮曹丞相登將臺  
點將作船上掌號吹打搖旗吶喊對岸扮周  
瑜統諸軍用火攻各駕快船放煙火廝殺曹  
操冒煙火割鬚棄袍奪路逃走衆掩殺下衆

全唱

北朝天子鬧轟轟  
戰牌密密重敵鎧鎖連環巨艦  
橫江界周郎妙算更南陽祭臺助烈焰東風大火  
攻兒猛哉曹阿瞞無奈顛灾顛灾顛灾下場頭  
鬚袍空在空在大江中逃生快生快

生上回看介你看好一場熱鬧水嬉也小生  
意欲借觀水嬉選擇嬌妹看來看去士女都  
只平常則有一箇垂鬟女子將來倒是一位  
國色因此一路跟來原來是小戶人家兒女  
且訪問他隣舍得知姓氏再作道理丑在內  
喚介綠葉我兒掩上了門進來罷小旦作上  
場掩門生凝眸看介小旦繁華看不厭蓬蓽  
靜爲憐下生你看這垂鬟妮子年紀雖小那  
秋波倒也靈動方纔聽見裏邊叫喚名字分

揚州夢  
明是綠葉二字既有這番着落小生却也不  
虛走這幾步

尾聲儘流連佳麗無邊界粉姿容盡搭上臙脂賣  
倒不如嫩蕊含葩還中採

集 驚散遊魚蓮葉東 遺簪落翠滿街中  
唐 勸人莫折憐芳早 葉帳陰成始放紅

第七齣 聘驪

一江風丑上暮雲愁孤苦蓬門舊鎮紡績家常受  
甚良謀母女經營盼得箇蠶成候妾身齊氏丈夫



已故止有一箇女兒名喚綠葉尚未成人每年靠着養蚕度活你看這般天氣綠葉還不出去採桑不免喚他出來向內介綠葉我兒快去采桑罷桑枝陌上柔桑枝陌上柔你把懿筐急早兜小了鬟莫倚恃春憨透

小旦攜桑籃應上娘兒來了

前腔罷梳頭檢點妝臺久爲水戲牽情竇丑還牽記甚麼水嬉哩小旦相見介娘兒就去了步田疇桑剪蠶筐次第籠纖手丑你也該去了試聽倉庚



換不休微行仔細求逗春暉正喜遲遲候小旦下

雜扮公差媒婆二人上紅絲牽白屋綠鬚繫

烏紗此間已是他家了入介丑見介兩位何

來差在下是本府公差奉本府太爺之命來

到你家丑怕介哎哟老身不過嘴饞偷幾隻

雞捉空剪些鄰舍家的桑葉並不曾做甚麼

犯法的事體媒不是官司事體是一樁喜事

在下便是官媒丑妾身這樣一箇花臉有何

喜事差來與你令愛說親的丑多大女兒說

甚麼親差向媒介你向他說明白了罷媒老  
親娘你昨日去看水嬉曾領着令愛同去你  
令愛小名可是喚做綠葉丑一些不錯媒那  
時被一位京兆杜牧之爺看見了那杜爺乃  
是本府太爺的好友見他中意了令愛特將  
金幣來與杜爺定親着俺們兩人先來通知  
老親娘恭喜哩同差人共賀喜介

玉抱肚黃堂故舊暱朋儕搜尋鳳儔演魚龍驀見  
垂鬟爲伊家綠葉淹留特傳鈞命到河洲納綵牽

羊訂好逑

丑小戶人家兒女沒甚姿色恐中不得貴人

的尊意

前腔裙釵醜陋怎生教花枝上頭鎮年來採葉鋪  
蠶甚姿容楚館秦樓敢煩回報兩君侯另選豪門  
窈窕流

生騎馬衆披紅特聘禮鼓樂遶場介

青歌兒名珠寶鏐花花彩彩准結丁香扣五馬熱  
情肯成就一徑策鞭馳驟

衆請杜爺下馬同入介丑拜見介妾身叩頭  
生如今是親眷以後不消行此禮小旦持桑  
上厭人投芍藥懷古詠苜苳入見作倒褪介  
丑領見生介我兒放下桑籃過來拜了杜爺  
坐介丑這位杜爺是本府太爺的好友昨日  
水嬉時節看中了你今日特來下聘是你終  
身大事你意下如何

梁州序小旦兒家貌醜貧居拙守未嫻林下風流  
兀自垂髻年幼沒福抱伊衾稠丑便是做娘的也



揚州夢  
慮你年紀幼小生小生目今原不來娶只待令愛  
長成之後那時乞守此郡便來完成好事丑這却  
使得全小旦則落得低來高就桂殿仙郎怎續上  
凡間耦月老前生料想是神祐少甚嫦娥降綵樓  
逐小戶結婚媾

前腔

生

雖則羣芳如繡只有嬌姿入彀看上伊睂

黛橫秋出落丰神韶秀敢是苧蘿名流不枉我香  
國窮究算異日旌麾貴郡來出守碧玉簫聲引取  
步秦樓長大名花譜上收錦簇簇試紅袖



雜扮報人跑馬上五雲頒有慶一騎走如飛  
自家走報的便是京兆杜爺陞了官一路尋  
來纔在府裏去報打聽得在此不免徑進見  
生介報人叩頭恭喜老爺高陞洛陽分都御  
史送報上生小生資級到不得這地位敢是  
報錯了報人探聽得是牛太師老爺舉薦生  
這等却又多謝故人了報子你在府前領賞  
雜應下丑恭喜老爺陞官小女真是僥倖生  
小生不日進京還要囑託刺史公照管你母

子就此告別全唱

尾聲這段良緣天輻湊又喜值皇恩寵優何日裏  
桃葉桃根作渡舟

集生水剪雙眸霧剪衣 柳絲梅綻正芳菲

唐考雲端自是秦樓壓 錦翅雙雙傍鳥飛

第八齣 武賺 淨戎裝衆擁上

霜天曉角 乾坤作耗淮蔡烽煙哨赤腹丹心抹倒  
軍聲動膽魂銷

集唐白草連天野火燒淮南城外獵天驕暮

雲空磧時驅馬秋日平原好射鵬俺家魏博  
節度使史憲誠是也向爲田布之將窺其懦  
弱鼓煽將士一時都不用命田布懼罪自殺  
衆將擁俺爲留後朝廷便詔俺爲節度使俺  
想官居帥職雖蒙天子殊恩必須爵並王侯  
始稱丈夫志氣爲此招軍買馬積草屯糧不  
覺鐵騎連雲端的金戈耀日待時而動直要  
踢翻李氏江山一往無前管教打破唐朝天  
下爭奈平章牛僧孺前來鎮守淮揚這箇老

兒頗有機謀未免牽制左右難以下手想介  
俺如今有箇計較軍士們聽者各帶人馬到  
淮揚交界地方騷擾一番若無準備就襲取  
城池倘那邊哨探風聲領兵對敵我軍不可  
與他交鋒但以打獵爲名胡亂班師回境衆

搖旗吶喊應介

包子令虎豹行程山岳倒山岳倒蛟龍離穴陣旗  
飄陣旗飄疾風掣電浮雲掃鳴稍列戟恣強豪金  
鞍銀鐙馬嘶驕下外戎裝領衆上



霜天曉角龍旌虎旒節制淮南道燮理陰陽舊老  
登壇後縱奇韜

集唐朱軒迴壓碧煙洲細柳營中着虎裘莫

道古來多計策出山車騎次諸侯下官牛僧  
孺奉朝命節度淮南地方昨有探子報來魏  
博史節度領兵赴俺疆界俺想此賊攘奪田  
布之位自然不肯安分他只道下官是箇文  
臣不知武備暗地前來侵擾那知俺連夜提  
兵到此吩咐介中軍官傳令旌旗壁壘就在



這高原之上列成陣勢等他到來兵衆搖旗

吶喊應介

包子令賊騎雲屯潛攪擾潛攪擾聞風勒馬駐荒  
郊駐荒郊兵機迅速防閑早金湯南國頗堅牢如  
龍如虎枉咆哮

淨領兵衝上見外列陣衝突不動介稟淨介  
前面一攢人馬擺成陣勢啓節度爺軍令淨  
慌介俺曉得那牛僧孺有些鬼見識俺兵行  
詭道他却早已窺破提兵到此以逸待勞却

如何是好三軍們退後着小校們請他主將  
打話雜請介外中軍官傳令把陣門開了待  
俺上前衆作層層開陣介淨望見驚介好箇  
精嚴陣勢外與淨相見介魏博公請了淨哎  
喲元來是奇章公請了外請問提兵何來淨  
小弟因打獵至此外笑介但打獵得遠了些  
久聞魏博公武藝超羣弓馬無敵下官意欲  
求教淨這等奇章公要比試武藝麼軍士們  
可持令箭一枝箭上高繫金錢以射中錢眼

揚州夢  
者為勝雜得令淨奇章公既要賭射各出采  
物纔見輸羸外下官以朝廷所賜玉帶為采  
淨小弟將這祖傳雁翅金盃為采奇章公請  
先射外下官境上不敢占先淨小弟僭了彎  
弓射介

梨花兒猿臂拓弓神箭巧穿楊百步人稱妙些小

金錢偏弄喬啖金盃一頂愁輸弔外彎弓射介

前腔曾向柳營親射鵬天山蕩定何足道矢發弓

開聲餓鴉射中衆喝采介啖當場再敢誰胡哨

淨背介俺指望射中金錢先奪其膽然後乘  
勢掩殺奪取城池如今反輸與他那金盔雖  
不打緊恐挫去銳氣不免帶轉馬頭竟回本  
境便了喚介三軍們回兵者衆搖旗吶喊下  
外你看這廝射不中金錢白賴金盔竟自收  
兵回去以後軍士們嚴加防守不可疎虞衆  
得令遠場介

蠻牌嵌寶蟾蠻牌令歌凱展金鏡旋轡奪霞標江  
南堅壁壘安堵慶皇朝逐雁陣魚行錦袍羨三河



揚州夢  
神武名高鬪寶蟾  
烽煙滾滾旌旗秩秩  
獵騎蕭蕭

集 豈徒柔伏在淮淝  
鷗鴉盤空雪滿圍

唐 威攝萬人長凜凜  
掉鞍齊向國門歸

第九齣 露蹤 老旦上

集唐馬跡車輪一萬重  
西來雙燕信難通不

逢蕭史休回首  
牢合金魚鑲桂叢  
妾身在李

府教歌教得他家人  
人白雪箇箇陽春偏是

李司徒要將樊川樂府教  
與紫雲紫雲看了

那本樂府無情無緒  
不知爲着何來再也不

肯學習妾身直索任他近日聞得杜家郎君  
分守東都我只得偷空走去賀他一遭來此  
已是門上有人麼雜扮門役上傳柳多雜事  
值役頗操心老媽媽何來老旦煩大哥通報  
教歌的韓歌娘要見雜婦女家怕通報不得  
的老旦你老爺未及第的時節便與老身厮  
認乃是平素走動慣的通報不妨雜這等可  
隨我進來雜向內稟介稟老爺有請

轉仙子生擁節烏臺氣展乍阻隔苔水星煙舊日

揚州夢  
三  
絲綸將來功業初試東都風憲

下官自奉朝命別過湖州刺史指望拜謝奇  
章牛公舉薦之恩不期他又出去節度淮南  
且喜分守這東都地方又早數日了雜稟老  
爺外面有箇婦人說是韓歌娘要見老爺生  
好生叫他進來雜領老旦見介久別郎君做  
了這等大官妾身特來賀喜生韓歌娘別來  
好麼老旦妾身還是教歌度日生下官往嘗  
曾託你覓一箇有心人曾覓就來麼老旦郎

君你可知有心人世間那討得幾箇

金落索蹉跎邂逅緣冷落風流院踏遍香閨那討  
箇明珠獻玉合伴金鈿甚絲牽點綴嬌紅錦瑟邊  
烏雲夢鎖思簪燕腰柳迷煙憶束蟬天台遠飯胡  
麻不見桃花片端則是藍橋淹蹇洛浦空懸怪不  
得蕭郎怨

生歌娘近來在那家走動老旦在李司徒家  
生聞得他家有十二金釵兩行紅粉可有天  
姿絕色在內老旦妾身也不便說



前腔生章臺虛掛牽金屋空迴轉你枉寄朱門心  
事瞞鶯燕他月窟貯冰仙畫屏前多少歌裙舞袖  
連蜂媒未肯傳春線神女何憑入夢緣瑶琴展則  
這求凰一曲銷愁怨葬送着黃昏深院綠鬢芳年

老旦郎君不要怨悵倒有一件好笑的事體

那李府歌姬中有一箇喚做紫雲因為司徒  
發下樊川樂府要妾身教他他却看了樂府  
情牽意惹不住吟哦向着妾身問長問短生  
喜介有這般知音的女子你就該把杜牧的

生平向他說知纔是

金索掛梧桐老旦妾身呵把才郎姓字傳樂府聲  
光綯說與風流起坐添留戀生狂喜介畢竟歌娘  
識趣不知那女子人材何如老旦似他的人材忒  
麗妍舞翩翩錦擢瑜輕過昭陽燕生又會歌舞越  
發難得老旦櫻脣歌掩桃花扇蓮襪香生玳瑁筵  
生我杜牧却如何得他見面老旦蓬萊苑迴屏複  
幔難會這女嬋娟

生歌娘你設箇法兒待我偎倚他憐惜他一

番老旦這却使不得生歌娘若是不肯我杜  
牧要下禮了老旦你做官了還這等不穩重  
待妾身想箇法兒哦有了來日司徒大張女  
樂宴會東都名士郎君若是赴席自然看見  
紫雲生他却未曾見招如何做不速之客罷  
罷我杜牧爲着知音的女子也顧不得這一

張涎臉

前腔他千金直一筵有衆美聲千轉咱驄馬清威  
怎顧得垂饒燕認芙蓉仔細憐怕聞歌嗅舞人空

見甫能勾春雲亂目羅衣轉祇博得蓮步迴身體  
態全老旦必須着人先去通知纔不失你冠裳體  
面生歌娘見教有理俺想李義山温飛卿自然在  
座不免託他先去致意老旦這便去得有名了生  
院子過來雜應上生你可持我名帖致意李義山  
老爺温飛卿相公說是李司徒老爺來日大饗東  
都賓客下官也要與席要他先去轉達雜應下尋  
詞彥連羣逐隊引領到美人邊老旦只怕紫雲看  
見郎君却不道害煞他哩生還怕害煞俺杜牧拂



揚州夢  
烏紗絕早便乘軒且嘲弄神仙眷

老旦妾身告別要回李府去了生歌娘你得  
空便來俺還有一事相託

尾聲你尋常莫放過杜樊川老旦我不會遞情書  
送彩箋生則煩你透春風兩下通方便

集生坐間青娥趙國姬庾公逢月要題詩

唐旦陽和本是煙霄曲雙鳳皆當即入池

第十齣 驚座

末上集唐西園一曲豔陽歌暗為王孫換綺

羅風格只應天上有玉杯瑤瑟近星河老夫  
李愿罷鎮閒居聲色娛老今日宴會東都賓  
客有杜御史託人致意要與此筵老夫因他  
官居風憲恐妨褻瀆再三固辭那杜御史執  
意要來則索延他入座便了外官帶上細路  
獨來當此夕清樽相伴憶他年下官李商隱  
是也小生儒扮上紅珠斗帳櫻桃熟金尾屏  
風孔雀閒小生温庭筠是也相見介李司徒  
見招就此同入外延入相見介生策馬衆擁

揚州夢  
三  
執事上

粉蝶兒妙舞清歌爲他家妙舞清歌不由咱帶青  
驄策鞭忙過昨日裏聽韓嫣意惹情魔想姱容摹  
麗質巴得到華筵入座飽看那洞府仙娥抵多少  
擲車潘果

衆請老爺下馬外迎生入見禮介集唐末小

隱西亭爲客開生夢魂遙斷楚襄臺外前溪

舞罷思回顧小生莫惜芳時醉酒杯入席介

衆旦小旦老旦扮歌姬上四寸橫波迴慢水

一雙纖手語香絃歌妓們叩頭外上來侑酒

衆旦侑酒介末生外小生同唱

泣顏回風景聚煙蘿  
輾名流飲酒高歌林泉清味  
貯韶華粉黛婆娑  
奇花異草列瓊瑤  
秀入江山座  
颺游絲佇遏香塵抱銀箏  
細拂雲和

末歌妓們一面奏樂一面度歌衆旦奏樂唱

介

石榴花香噴噴金猊煙篆畫堂多繡屏外鳥韻管  
絃和按譜的移宮換羽在豔場歌不數那西施畫



舸范蠡煙波俺則羨步珊珊俺則羨步珊珊霓裳  
一派瑤池墮待閒銷玉漏穩駐銀珂又則盼月瞳  
瞳又則盼月瞳瞳照絲竹輝簾幙分明有雲駐碧  
峩峩

末名賢雲集高會成歡務須暢飲以永今夕

生外小生 郇厨兼味水陸併供霓奏仙音雅

歌繼起自然不醉無歸也 仝唱

泣顏回 清歌腸斷醉顏酡活現有蓬萊一座輪杯  
遞盞趁風光絳燭消磨鸞笙象板列仙階宛轉鏗

鏘和鬪芳菲半闋春生蘸瀟湘六幅裙拖

外歌妓們試對舞一回旦小旦對舞介

鬪鶴鶉態盈盈鳳展鸞迴態盈盈鳳展鸞迴豔晶  
晶雲偷月躲綉團團綠映紅遮綉團團綠映紅遮  
氣馥馥蘭薰麝裏端的是珮解留仙曳綺羅眼挫  
裏洛女下凌波齊臻臻教演陽阿光閃閃風流滿  
座

生外小生翩如驚燕疾若翔鴻來去無端周  
旋有態真好舞也全唱

撲燈蛾乍登場娉婷掌上那疾翻身驚燕簾前過  
呈杏臉含姿賽花朶驪臨風柳枝輕簸盤內滾珍  
珠數顆嬌徹底芙蓉現綠波敢抹煞夷光舞袖對  
翩翩燈紅雲髻影兒傿

生外小生叨飲如川已拚酩酊酒力敢不勝

者末說那裏話衆姬們再以歌侑酒衆旦侑

酒唱介

上小樓韻悠揚引袂歌調清嘉連珠和今日裏脯  
劈麟羞酒溢羊羔殺荐峰駝俺則愛滿院花陰半

簾風寂小山雲破唱桃枝亂紅飛過

生背介俺想歌姬之內不知那一箇是俺知  
心的紫雲俺待要問他又不便啟口待不問  
他心下好難過者末仝衆樊川公還請開懷  
黃龍哀犯生快快的歌雲不散脉脉的靈山枉過  
得得的戀知音遲遲的終酒筵千紅萬紫名花誰  
箇耿耿的牛郎意訛遙遙的織女情多鵲橋沒駕  
銀河朗亘鬱鬱的相思啞謎待如何

生又背介俺杜牧再熬不住了對末介司徒



公府中歌妓聞有紫雲者兩行中未知孰是  
末指旦介則那妮子便是生移座凝視旦發  
狂介果然名不虛得向外介司徒公宜以見  
惠末大笑介衆旦掩笑介桃熟不曾君手賜  
酒闌枉候妾歌終齊下生酒來雜斟兩爵上  
生豪飲起吟介華堂今日綺筵開誰喚分司  
御史來忽發狂言驚滿座兩行紅粉一時迴  
請了衆唱執事擁生下外小生樊川一向疎  
狂司徒幸勿介意末才子情性大抵如此老

世辭 夫並不介意外小生就此告辭了

煞尾 管絃一席春風過受用煞紅裙陌上歌好笑

那小杜狂吟倒說得粉黛躲

集 當筵一曲媚春輝 白雪和烟戀翠微

唐 今日因君試回首 滿車空載雒神歸

第十一齣 種賊 淨扮屠戶鬍子上

普賢歌 皮毛剝割骨郎當鬼伯操刀積祖強生涯

靠地陽拳豪沒抵當賣了銀錢開賭場

小子姓陰名萬鶚積貫在湖州市上做一箇

殺狗的屠戶人都起俺諱名叫做活剝皮的  
陰大郎俺又會耍的一手好錢只爲貪着賭  
普賀之一字倒把屠狗生意弄得冷淡趣這閒空  
時節好去討些賭帳算來只有齊搗鬼欠的  
多還的少他又奸詐不肯吃好草的俺且到

十字街兒上等着他去虛下副淨穿紅綠女

衣藏在內外穿青藍舊衣上

前腔黃昏徹夜耍錢忙學得空拳賭博方東穿隔  
壁牆西蹲大戶梁偷遍鄉鄰透底裝

作賊腔介自家齊小二譚名偷天手你道小子爲何有此雅號只因生性好賭賭得赤手空拳沒奈何順便掏摸些東西做一兩場賭本遠近人家知道俺的毛病隄防得緊急切沒處下手虧俺姑娘養箇女兒綠葉年紀雖小還有幾分姿色被一位杜官人看中了央着本府崔太守做主將金幣來預先行聘俺姑娘替妹子綠葉做了許多紬絹衣服俺今輸急了偷摸下幾件還去賭場上翻本一回



走介且住俺欠陰大郎的賭帳未清不便到  
他家戲賭大寬展走到後巷賴蝦蟆家去便  
了淨尾後作聽見揪住介賊精走往那裏去  
副淨驚慌作見淨笑介小膽兒被你誑殺了  
正要造宅哩淨到俺家裏去和你算帳全入  
介淨俺方纔聽見你要到後巷賴蝦蟆家去  
要錢竟瞞門而過今日且把賭帳清楚了放  
你出門若不還舊帳俺就放出殺狗的手段  
來開剝你哩副淨俺又不是猪狗畜生任你

開剝若囊中有鈔便還清了。你其實一錢也  
無淨沒錢便脫下衣服來。副淨哥體面所在  
這不敢遵命。淨你不依從俺就取出家伙來  
了。取打狗筒套狗圈并繩刀上俺要動手哩  
取圈套副淨頸介。副淨掙扎不過哀求介。待  
俺脫下便了。脫去外面青衣介。淨這件狗皮  
能值幾文再脫下來。副淨不肯。淨又套介。副  
淨這一層脫不得的。俺裏面穿着蒲包脫下  
時便露出馬腳了。淨俺要脫得赤條條的纔

揚州夢  
三  
饒你哩又套介副淨不得已又脫一件露出  
紅綠女衣介淨好賊精真贓實據在此捉你  
去見官繩扣副淨牽行介副淨不要惡取笑  
淨誰與你取笑

四邊靜這渾身羅綺從何降昨宵敢梁上舉首到  
公庭竹板與夾棒從頭孽帳一齊發放刺臂作徒  
囚賊名好學樣

副淨俺不是偷來的不怕你便到太爺跟前  
去那太爺還要推俺薄面哩淨好大來頭你

不是偷來的又沒有老婆這衣服從那裏得  
來副淨不瞞你說俺姑娘養的女兒綠葉目  
今崔太爺做主受了他鄉親杜官人之聘許  
多金幣行到俺家這些衣服都是俺妹子的  
前腔俺呵賭錢輸得真無狀偷些好翻帳逐件着  
裏穿不料露色相如今說不得將衣抵當前逋請  
讓赦我出屠門報恩犬馬樣

脫女衣付淨介淨去繩介俺且問你姑娘既  
受許多金幣你為何不偷他大注財物到賭



場上也好梢長膽大单偷這幾件衣裳濟得  
甚事副淨不瞞你說俺也想這一股財鄉但  
崔太爺主婚俺若起了這歹意姑娘告俺府  
裏少不得起了賊贓還要吃苦哩淨這有何  
難目今崔太爺陞任等他出境之日你姑娘  
沒有主兒那時下手偷來包管你賭得稱心  
稱意副淨小弟依命而行便了淨和你說話  
不覺耽閣好一會且同到酒店上吃三杯再  
入賭場何如正是遇飲酒時須飲酒副淨得

頑錢處且頑錢

第十二齣 授計

旦上

十二時歌筵擎玉罌有一箇情傾意愜羨慕羈鸞  
提攜囚鳳未識何緣結就根芽教我怎生放下

奴家昨日侍宴之時看見杜御史年少風流  
人材瀟灑怪不得樊川樂府字字清新後來  
見他向俺司徒問起奴家來俺家司徒指點  
與他看他就涎着臉兒竟要司徒將奴家贈  
與他你想贈妾之事乃豪傑所爲俺家司徒

揚州夢  
怎學得來則辜負了杜御史一片癡心也

集賢賓入牢籠嬌鸞何處發咫尺天涯憑誰借杵  
把雲英嫁甚歌喉貽誤韶華那人呵詩句清佳遮  
莫地逢場作耍笑聲譁羅綺內別是一番牽掛

俺想奴家是歌院女流那杜御史何緣得知  
想來定是韓歌娘見俺愛他樂府故爾吐露  
形蹤致他如此顛狂

前腔漏春風叅詳人面雅俏深閨小字嗟呀算來  
偷遞昭君畫認分明物色羣娃忒地材華順口的

好詩吟下沒抓拿則夢境裏與君酬話

老旦上 鷓鴣未知狂客醉鷓鴣先讓美人歌  
妾身受了杜御史之託不曾爲他効力昨日  
杜御史赴宴時節硬向司徒要討紫雲爲妾  
豈不是書生孟浪麼俺却不知紫雲心事如  
何且去探聽他一回好回覆杜御史也入見  
旦介紫雲你歌舞之名傾動一時以致才人  
妄想老爺方纔吩咐此後凡有宴會不着你  
出去承值



啼鶯序怕桃花扇底蜂鬧衙逗春懷一席搔爬主人呵鎖斷星橋賓客也轉回月駕妾身好笑那杜御史沒來由酒後波查空落得肝腸熱掛如今倒惹得老爺防閑了禁仙葩重施錦幄不許隔牆誇

旦歌娘俺正要問你那杜御史何由得知奴

家多管歌娘與他厮熟說與他知道的

老旦

你說得好笑天下佳人才子原是有數的那小杜是有名才子你也是有名佳人兩下自然聞名而知那用妾身饒舌

前腔儘人間浪子天上娃選香名幾片春花弄毫  
便錦豔文江傾國似翠環繡闥意兒中想像窗紗  
偏珍護千金重價漫矜誇藍田舊種一對玉無瑕  
旦奴家那裏算得佳人枉費了才子們一片  
好心也

簇御林可憐俺畫堂下舞袖窄逐燕挨鶯何日罷  
拾才郎餘唾也光華則墮落污泥敢憔悴殺判生  
差瑤臺七寶謫貶了一枝花

老旦俺想你受老爺眷戀不比尋常錦綉叢

揚州夢  
四  
中儘堪度日何須怨悵

前腔你凌波襪去巫廟峽別館高唐難掙扎攪風  
光歌舞自稱佳看若箇烏雲尚埋鏡匣嘆薰葭前  
生倚玉終久並頭葩

旦咳歌娘與奴家相聚恁久還不知俺的心  
事難道奴家便老死在歌舞場中了淚介

御袍黃衾稠事勉共他雨雲踪生強咱追歡買笑  
居人下抑鬱得魂銷化苧蘿折贈塵埋浣紗天孫  
巧會河空渡楂把紅顏拋擲風流價淚如麻歌筵

舞席怎跳出五侯家

老旦這等看來你的心事妾身今日方知但  
終身事大決不可委之俗子那杜御史既鍾  
情於你何不將終身託他旦但侯門如海從  
何處傳消息老旦只要你心肯杜御史那  
裏包管在我身上旦悉憑歌娘便了老旦這  
等我有一箇計較在此從今以後就要假裝  
病態見神見鬼變做風魔一般拖刀弄劍使  
人不敢近身那時我自暗通巫婆叫他假託



揚州夢 四  
神言要你躲避災難我自有箇道理便了

前腔無明夜病勢加做風魔情態差妝神冒鬼生  
驚怕暗地裏藏奸詐旦只怕奴家福薄無緣到得  
樊川那邊老旦但要你依計而行自然成就好事  
有緣自會知音漫誇含情待訴懷人未遐那樊川  
樂府先做了漁郎駕你且謝鉛華安排計策好引  
出錦堂娃

旦多謝歌娘費心異日果然有些好處自然  
不敢忘恩老旦

尾聲賺的箇人兒驚怪煞則病魔中有此生發日  
俺怕甚麼捉鬼桃符來劈面打

集旦片雲無意傍琴臺恐失佳期後命催

唐旦何事不歸巫峽去相期共鬪管絃來

第十三齣痛美生上

遠地遊聽歌場杳葬送人年少脉脉此情無靠吹  
盡鸞簫燒殘鳳腦寄相思因風到絳綃

集唐遙想風流第一人與伊相見即相親可  
知劉阮欣逢處似近東風別有因俺杜牧自

從在李司徒家見過紫雲之後不覺神迷意  
失舉止若狂不知那妮子見俺杜牧可也真  
心傾倒俺已曾着院子到李府打聽韓歌娘  
接他到來便知分曉

山坡羊 特地裏癡魂繚繞沒倒斷良緣消耗則爲

那詞句神交赴歡場一霎一霎憐同調怪銅臺把  
芳春收的早俺是醉狂年少得遇蛾眉淡掃則歸  
計無聊贈新詩寫情好含嘲這風流痛飲澆難描  
那姿容清夢勞

俺想李司徒金釵十二何爭這一箇美人便  
白送與俺杜牧還落得天下人贊他是憐才  
輕色之輩那知他直恁慳吝俺則可惜紫雲  
隨行逐隊有何好處俺若得了這美人呵敢  
則僥倖煞也

山桃紅愛惜盡歌梁音繞舞袖香飄竭意兒焚香  
禱在紅樓興高掩映這月夕花朝受用着鵝笙鳳  
簫討得箇鵲在巢鳩在河做鴛鴦叶着于飛兆也  
則問你綺席華筵那日嬌覺分外增歡笑風光怎



拋肯輕信這閨苑天仙雲駕遙

末無緣作蜂使端的報春暉見生介生院子

着你去請韓歌娘怎不同來末小人奉命到

李府去呵

鮑老催怎敢向侯門輕造則好在牆兒邊打聽把

風聲報那時間尋花問柳增煩鬧生你可曾看見

韓歌娘麼末則見人影招口語傳香閨耗生有何

音耗末小人去時見李府門前簇擁着醫生進去

道是紫雲姐病重了生驚介果然紫雲有病末小

人委實聽得名姬恰撞着災愆到有延醫飛走的  
說根苗禳神退煞正把師巫召

生淚介看將起來紫雲這一場病多分爲着  
俺杜牧害下也

山桃紅這病兒雲迷情竅霧鎖眉梢活受春煩惱  
樽前細腰憔悴煞蕙帶冰綃封疊過湘裙翠翹憶  
了你蹙春山損絳桃幾能勾遇盧扁急救效也好  
現出玉圃瓊花掌上嬌覺分外增歡笑風光怎拋  
肯輕信這閨苑天仙雲駕遙

末老爺不必愁煩待小人再去探聽一箇真  
實便了生你是必上心者

綿搭絮月容花貌虛度可憐宵無計紅慳綠褪柔  
衾淚暗澆致蕭騷病入秋毫怕得你身軀瘦小態  
度苗條着些兒夢魘情魔幾箇昏朝則是怎熬  
尾聲膩芳魂無確耗只待覓神仙絳雪膏紫雲紫  
雲你病淋侵甚日兒纔盼得好

集 却恨青蛾誤少年 驪龍春暖抱珠眠

唐 有時自患多情病 難泛鴛鴦水上天

第十四齣 病賺

末上

秋葉香紅粉一朝憔悴聽唏噓情黯魂飛

集唐琴樽空自負年華應是壺中別有家兒

女眼前難喜捨怕驚愁度阿香車老夫林下

盤桓全賴紫雲侍妾取悅承憐不意日來抱

病如着鬼魅百般醫禱全無效驗恐有精祟

作耗曾着院子傳巫婆來跳神叩問侍婢們

好生扶着紫雲出來雜應下老旦丑扶旦上

玉井蓮盧醫扁鵲嘆音稀病在神情難識



末紫雲你病體如何速速說與根苗以便訪

醫療治

八聲甘州旦俺煙霞痼癖再不向歌裙舞扇追隨  
末紫雲你若病好之時老夫也再不着你歌舞旦  
大聲驚慌介好大水也波濤狂沸恰又見水族靈  
旗又狂喊介火又來也燒天一炬咸陽起好也神  
仙到也戲海神仙島谷回散髮滾地衆扶起介俺  
怕哩怕哩丑姐姐怕甚麼旦天兵廝殺了如雷耳  
畔裏鼓振金催

末淚介這却如何是好

前腔稀奇敢花妖木魅藏形附魄相欺可惜你顏  
如桃李怎禁得惡病離披這些時呵青天霧鎖鮫  
綃珮白日香寒獸炭灰悲悽那能勾翠繞珠圍

淨扮巫婆上自古受人之託必當終人之事

俺乃師婆便是李司徒家紫雲病祟喚俺禱  
治俺受了韓歌娘囑託要俺口稱家神作祟  
必須病人避往西南地方纔脫災難俺且依  
他做作好胡亂得些錢財此間已是不免徑

入見末介老爺在上師婆叩頭末師婆你看  
是何精祟害我愛姬若能驅治平復我當重  
重酬謝淨婆子當得効力扎神馬頭上口中  
作念披髮跳舞內打鼓相應介吾神至也吾  
神至也老旦拜介你係何神淨

解三醒俺不是閒神浪鬼俺本是家宅靈威老旦  
原來是家宅神靈不知紫雲何事觸犯淨他哦風  
弄月招精祟有罡煞來往香閨老旦尊神何不驅  
治一番淨俺權卑怎把囂張制要病去還該躲避

宜老旦若躲避往那方去好淨西南鄙待潛藏七日始免災危

又跳介吾神去也跌倒半晌醒介淨老爺神道可靈驗否末方纔家神降臨道是風月之下觸犯精祟必須躲向西南方纔保平安淨老爺你寧可信其有不要違拗神靈葬送了這一位美人末只是躲往那裡去好老旦老身僻居鄉村倒是西南地方老爺若放心待老身伏侍他一同前去回覆老爺意下何如



末韓歌娘你在我門下多年老成可託無論  
躲避災難有無未可深信便去蕭散養病未  
為不可喚介院子你可取一封銀子賞了師  
婆一面去喚香車護送紫雲到韓歌娘家去  
雜應介淨謝末介多謝老爺全下末歌娘你  
聽俺吩咐

前腔他本是生成羅綺則遇着年月災危借伊家  
將養嬌身體盼朝夕清健同回老旦老身呵慇懃  
藥餌忙調劑老爺呵你拂拭珠簾待麗姬雜稟老

爺香車到了末歌娘你可偎抱他在車內不要驚  
嚇了他院子可隨後護送老旦同丑扶旦坐車介  
末淚介難由已看香車載玉冉冉雲迷

集 綠陰終借暫時行 心仰蓮峰望太清

唐 春色來年誰是主 玉爐煙盡月華生

第十五齣 離任

小生冠帶儀仗張蓋鳴鑼上集唐俗吏三年

何足論向君凡在幾重恩省門簪組初成列  
何幸含香奉至尊下官崔元亮久任湖州自

慚無狀蒙聖恩不次之擢今日起馬赴都好  
榮耀也呵

新水令五花頭踏唱雄風化成時錦鞭雙控桑麻  
迷四野衽席遍羣氓太守何功也則是祝天子皇  
圖鞏

副淨領丑小旦上提攜小兒女感謝舊黃堂  
見小生介綠葉母子來送太爺小生受你  
們丑小婦人母子受太爺連年照管之恩無  
可報荅但願太爺此去呵

步步嬌福澤綿綿絲綸寵茂異天階重丹墀輔聖  
躬遠棄寒簷何年星拱我母女受恩濃感懷今後  
勞魂夢

還有一言奉啓小女綠葉年將及笄杜老爺  
一去音信杳然未知何時成就好事况太爺  
陞任京都將來無人照管母女伶仃如何是  
好小生婆子你不必憂煩下官此去自然催  
促杜御史着他就來照管你須放心看視女

兒



折桂令則消停密護簾櫳等蕭郎喜氣睂濃安置  
下孔雀屏風團圓鏡閣錦綉花叢既訂就天長地  
永管將來倚綠偎紅早歡慶女壻乘龍俺可待聞  
聲燕賀折末也夫貴妻榮

你家中還有甚麼親眷可以倚仗得待下官

吩咐他一番丑只有一箇姪子齊小二現在

這裡拉副見小生介過來見了太爺但是這

厮游手好閒慣作非爲常盜俺母女們衣服

還望太爺懲戒他一回小生齊小二過來你

爲何不學好做下流的勾當叫皂隸扯下去  
薄責他二十板做戒下次雜打副介副哎哟  
可憐小人呵

江兒水自小無師訓貪閒不務農嬉遊廢日成虛  
哄呼盧角技多搬弄狎邪匪類真狂縱小生自今  
以後還敢胡爲麼副淨扑責相加知痛革面回心  
禮法從頭遵奉

小生齊小二試聽俺吩咐者

雁兒落你須要守分將訓誡通你須要激發得良

心動你須要顧伊行  
母女蹤你須要知那壁姻緣

重呀杜樊川名位不卑庸  
在東都秉憲驄早共晚

朝廷用刺湖州遂素衷  
遭逢受樾蔭如春夢綠葉

母女呵從容你只管鏡臺前  
趨女紅鏡臺前趨女

紅

左右的取白銀十兩付與綠葉  
母女用度另

取青布一疋賞給齊小二丑副小旦  
多謝太

爺

僥僥令嘉言心已誦實惠拜無窮  
感化育茅簷高

厚中則遺愛到釵裙意更濃

小生左右的就此長行便了衆鳴鑼執事遶

場介小生

望江南

呀

早則見鴻雁聲歸彩仗中端的是騁長

風可知那居官離任一般榮但澄清不愧舊黃龔

內衆喚介太爺慢行俺們士民焚香來送哩小生

左右的傳語士民人等下官待罪地方不曾有尺

寸之勞不勞遠送了衆傳語介小生笑虛餐鮮功

笑虛餐鮮功甚的是甘棠留愛播寰封



揚州夢  
三  
衆士民上太爺慢行生員們還有功德頌小  
民還有遺愛碑請太爺展觀一回小生本府  
有何好處勞汝士民相愛至此衆太爺的好  
處多哩

園林好操冰霜衙齋素風播德教康衢化工默牖  
得家絃人誦追五馬過隣封追五馬過隣封

小生俺想清廉惠愛乃守吏分所當爲但願  
你們父老子弟長守下官條教強似造碑刻

誦也

沽美酒清和白兩字中清和白兩字中廉共敏治  
謨同那裡有竹帛勲名自勒功峴山碑淚滿峰截  
鞍鐙駐花驄感承你農歌士誦願民間戶裕家封  
識王法蒲鞭驚恐臻上理唐虞雍動俺呵便去時  
無功有功准備着觀風采風呀短長亭不勞多送  
下衆好老爺竟自捨下我們去了

尾聲流恩遺愛苔川共看處處夭桃郁李榮好笑  
那眼前的說鬼瞞神太守翁

集 綉衣行過撲春風 次第儀型漢上公

唐 聖代即今多雨露 飄飄何處五雲中

第十六齣 拐聘 副淨

吳小四 苦難撐坐欠寧偷兒變拐精只為黃堂頭  
上頂怎敢胡為伸縮頸他離任咱橫行

俺齊小二又好哭又好笑平白地隨着俺姑

娘妹子去送崔太爺起身被俺姑娘出首道

俺偷他衣服准准責過二十板你道該哭不

該哭那知弄喬的太爺又憐俺穿得縷縷送

俺一疋布做件道袍穿你道好笑不好笑這

也不在話下當初陰大郎原說太爺去後好  
替俺商量心事如今且去見他看作何計較  
行介此間已是大郎在麼淨應介來了

前腔狗屠腥賭陣爭心粗膽又寧日上三竿猶未  
醒醉裏醜醜衣不整見副淨介哦原來是齊賊精

副淨大郎開口便罵好沒理淨笑介得罪得

罪副淨太爺起身了你的計較還不拿出來

哩淨太爺幾時起身的副淨這等你還在夢

裡昨日崔太爺起行俺姑娘同去送他挑唆



了一場是非被太爺責我二十大板快快商量箇法兒處治俺姑娘纔好淨小二你吃虧了如今說不得騙出他原聘之物先與你暖醫何如副淨計將安出淨待俺妝扮起來與你看戴大帽穿青衣着靴搖擺介副淨你爲何着這副行頭淨笑介待俺說與你知道

黃鶯兒妝扮要崢嶸杜家人奉使令副淨扮做杜家的人却怎麼淨一直走到你姑娘家去傳言御史追前聘副淨却如何追他的聘物淨道是他年

華尚輕姻緣不成當初禮物休藏剩副淨追出禮  
物來怎麼分法淨我七分你三分副淨是我作成  
你還該我七分你三分淨莫閒爭平分阿堵各自  
掙前程

副淨就此同行便了淨却使不得兩箇人便  
要露出馬脚來等我獨自行事到手之後那  
時均分副淨這等小弟暫別了虛下淨小二  
已別待俺且去扣門丑旦仝上

三臺令柴門風色淒清啓戶知誰到庭

丑開門見淨介客官何來淨在下無事不敢  
輕造乃是奉京兆杜老爺之命特地而來丑  
可是杜牧之老爺淨正是丑呼旦介我兒今  
日纔盼着音信了淨見小旦介這想是小娘  
子在下見禮了淨背介好一箇小娘子丑你  
老爺幾時來完親淨俺老爺不來了着在下  
來退親哩丑旦變色介這是那裡說起淨俺  
老爺呵

御袍黃簇御林他乃高門第美俊英正居官登廟

庭你寒微幼小難厮稱丑這親事原是你老爺情  
愿結下的淨如今老爺不情愿了待決撒從前聘  
皂羅袍金釵幾股親來問名寶珠多串牽將赤繩  
笑虛花不實紅顏命快把原聘之物收拾還俺老  
爺漫留停衣笥鏡篋檢點舊星星

文書  
小旦俺想杜家便要毀親十年以來並不曾  
見他提起況且富貴之人便要退婚也何爭  
些須聘禮娘還不要輕聽丑只是崔太爺已  
經陞任教老身那裡去問箇憑據淨甚麼憑



揚州夢  
據不憑據難道在下來騙你們母子麼丑抱

旦哭介我那兒好苦也全旦唱介

墜梧枝猫兒墜十年不字苦守待親迎誰料中途  
改舊盟愁紅帳綠嘆緣輕淨怎還不退出原聘禮  
物來丑說不得了梧桐花且把當年原禮聘交還  
惡少圖乾淨小旦取出遞與淨介淨還有許多物  
件哩丑家內貧寒已經用度了淨也罷俺行箇方  
便回覆俺家老爺便了正是一心忙似箭兩脚急  
如飛慌下丑旦抱哭介活分離飄零淚零甚冤愆

前生再生

丑我兒不要哭壞了隨娘進去罷正是萬般  
愁苦事無過死別與生離扶旦下副淨陰大  
去了半晌還不出來一定着手了且遠遠的  
候他出來好與他八刀虛下淨笑介造化造  
化一騙就到手只是齊小二那厮要分如何  
是好哦有計了且自藏在帽裏作褪冠藏物  
介副淨暗上從空中取去介淨行副淨作迎  
見介大郎所事如何淨再不要提起你家姑

娘猜破了我的行止幾乎被他扭去見官那  
裡有分文退出來哩副淨大郎你莫要說謊  
小弟適纔看見日遊神他說陰萬鶚盜拐聘  
禮天理不容已曾將他盜取之物命五鬼從  
空攝去淨驚介你又說鬼話了忙取冠細看  
跌脚介當真日遊神從空攝去了沉吟又揪  
住副淨介甚麼日遊神夜遊神就是你這賊  
精快取出來不要討俺動拳頭了副淨取出  
介小人哉在這裡但是你太欺心我故意顯

一箇手段淨小二哥錢財事小你拿去也罷  
但我有一樁心事要拜託你哩副淨甚麼心  
事淨造府之時看見令妹人材果然齊整小  
弟其實未娶你若幫襯我這頭親事我便將  
這財物送爲媒資副淨你方纔盜騙禮物的  
時節俺家姑娘妹子都認得你了只怕使不  
得淨跪介這箇所在不是商議之所且到你  
家去計較淨說得有理正是利不害人自  
害色不迷人自迷同下



揚州夢卷上

善也亦不為人自有數回不殺也

善也亦不為人自有數回不殺也

善也亦不為人自有數回不殺也

善也亦不為人自有數回不殺也

善也亦不為人自有數回不殺也

善也亦不為人自有數回不殺也

善也亦不為人自有數回不殺也

善也亦不為人自有數回不殺也

善也亦不為人自有數回不殺也